

四庫未收書輯刊編纂委員會編

四庫未收書輯刊

北京出版社

拾輯・拾玖冊

四庫未收書輯刊

四庫未收書輯刊編纂委員會編

北京出版社

拾輯・拾玖冊目錄

畚經堂集詩集六卷詩續集四卷文集八卷

〔清〕朱景英撰

一

切問齋集十六卷

〔清〕陸燿撰

二三五

七錄齋詩鈔十卷文鈔十卷

〔清〕阮葵生撰

五〇五

〔清〕朱景英撰

畚經堂集詩集六卷詩
續集四卷文集八卷

清乾隆刻本

畚經堂詩集

紅蕉館詩鈔叙

天地間有自然之聲啼笑是也聲人人殊啼笑聲不殊何者哀樂難強也詩緣哀樂而起不哀而啼不樂而笑世謂不祥而詩家往往犯之故有真聲斯有真詩要惟不苟已耳予友武陵朱君幼芝味道而腴者性情開曠不以俗累填誦其紅蕉館詩鈔淵然以神竅然以遠儻然以秀卓然以雅是有得於哀樂之正是爲有詩中人也夫有其詩而無其人不可謂之有詩有其人而無其詩不可謂之無人究不可謂之無詩若有其人而兼有其詩則性情之自命者醇且懿矣三代以下篇章日繁而苟啼苟笑者十常八九焉詩之亡也夫人而能爲詩

畚經堂詩集序

也考亭駁唐人詩云以老朽操筆削之權存者僅耳噫存者僅爲者難歟馬后宮人見大練嗤爲異物晉惠帝問饑民何不食肉糜狃於習也貴游公子入西湖恣觀六橋桃柳而選幽韻者必求孤山梅根慰焉然則作者難知者尤難哉紅蕉主人不苟作亦不苟求知誦斯集者不必曰若何漢魏也若何初唐盛唐也古今真性情人當必有尋聲而辨者乾隆庚午陽月益陽陳益

彖輟集叙

朱解元幼芝稟所爲詩謁余於寓廬余每誦一章輒歎其清穩之至或曰詩佳處如是已乎余曰談何容易昔元遺山之論詩也曰誰是詩中疏鑿手暫敘涇渭各清

渾其題中州集也曰萬古騷人嘔肺肝乾坤清氣得來難是故無筆則弱詞不達意則混矣無書則俗言出不根則濁矣氣不清者其詞必不穩也然不可以無學也少陵自譽其詩曰語不驚人死不休晚節漸於詩律細而蘇子由頌之曰天驥精神穩層臺結構牢牢亦穩也調謾叫喙於何得細卑格貧相笑以驚人必也穩之至而後可以索其興寄按其格調舉扛鼎之筆以運克棟之書故謂詩非關學者妄也抑穩在人力而清自天生則清尤貴焉清豈一栢一泓之所得與哉幼芝生於湘中北行渡黃河湘川清照五六丈下見底石如擣菹而河自出崑崙墟所渠並千七百一川汨漱沙壤渾渾泡

有經堂詩集序

泡乃有大氣以貫乎其中其氣清故與淺深見底之水無異也此其說於經有之其風肆好穆如清風崧高蒸民之詩人固已言之矣余比年憂患學易詩筆都廢幼芝一行作吏於詩亦恐不暇以爲然而詩人之性情類有不以人事改易者余嘗慨夫朱紱疏越宜以奏清廟而儻鬼神而若臺閣之選隨時軌轍或不能以自成家至如微言眇義追跡風雅不求取悅於雷同之口者亦不盡出於旅況寥落之徒故漁洋名著於司里之日而近時詩集流布譚舟石之櫂歌梅耦長之修船謠往往有聲於郡縣之吏古之人更難以悉數耳幼芝他日學益進所見益高其必有不廢江河萬古流者矣於其之

官閩越也爲詩說以贈其行乾隆壬申仲冬之月從東僑佃翁汪師韓

石客廬詩鈔自敘

石客廬者余辛未夏自都歸里後新築也迨官連城移顏解之東齋故凡吟咏均系諸此蓋磴磴之性出處一致庶幾所謂在心爲志發言爲詩者歟乾隆甲戌春正月幼芝甫書於永安舟次

榕城叩鉢吟自敘

余自癸酉春杪入閩未逾月得晤黃丈莘田嗣是一官連城一官寧德中間以公事來三山每就香草齋信宿焉譚藝之餘閒有篇什大都得於率爾操觚者故所就

有經堂詩集序

止此乾隆乙亥春王一百八松亭長書

亦舫吟草自敘

官舫也官舫亦舫邑瀕海官斯邑者譬以一舫擢海芥焉已耳然操觚偶不戒匪膠輒覆余之不敢以坳堂視此邑也則亦不敢以信宿視此官坐此舫其知之耶故旣揭以名軒凡有所觸得之偶然欲書者亦系焉此物此志也乾隆甲戌臘日梅墅景英書於寧德縣齋

沅西備草自敘

歲丙子秋杪予有沅州修志之役比至設局於城北之準提禪院寓焉凡九閱月筆墨之暇檢志中事有關繫與夫耳目所及身親游涉者得詩如干首命小奚鈔有

以自娛既志成以地處僻遠昔之名人魁士罕所題咏故米錄寥寥居停翁頗用爲病因索予彙借刻諸時賢名氏至於再三不獲辭遂出以聽其雜附各類然實非予本意也夫此九月中予之傲精神於筆墨閒者備也乃卽此區區自娛者卒嫁名他氏雖仍謂之備也亦可按沅州實玩水所不經其以名州者宋移州東故州名以名之耳詳具予新志中故是編以沅西標目云丁丑重九研北農自識

研北集自敘

余自丁丑秋杪返自沅西嗣是未嘗出遊自惟養病戢影無與於遠涉遐登然流連感歎酬賓課子之作僅有

存者夫一研隨身而相於乃在几席其以片石爲南隴也乎乾隆庚辰人日石圃後人書

舊雨齋存彙自敘

石圃迤南數弓地構小屋一區顏曰舊雨用少陵秋述

語也主人局促其中吟哦不廢雖不盡出於懷人感昔

然歲寒中亦畧無有過而存問者能勿喟然歲元默敦

辭之抄梅墅

浮湘草自敘

余十渡湘水至是遊而盛衰聚散之感係焉昔謝公中

年陶寫絲竹而余之役役於筆墨閒者若此亦可謂不

自藏拙而誇癡也歟乾隆壬午秋九月研北學子書於

沅江舟次

出山小草自敘

補官服闋後事乃遲之近十年長林豐草中人志故爾爾今春出門越兩月始抵三山舟行留滯輒有吟詠郵籤里鼓聊備遺忘而已乾隆癸未夏四月穢舟橫塘西浦幼芝自識

傳餐近彙自敘

晉安舊遊地假館未旬月遽沿牒赴建州時癸未夏五也明年首春之官漳海又取道壺關以下故所作多出於卸裝小飯之餘不忍割弃輒復錄而存焉乾隆甲申暮春莒汀朱景英記

會經堂詩集總目

卷一

紅蕉館詩鈔古今體詩四十五首

炙輠集古今體詩四十七首

卷二

石客廬詩鈔古今體詩六十八首

榕城叩鉢吟古今體詩四十首

卷三

亦舫吟草古體詩六首

沅西備草古今體詩五十一首

卷四

研比集古今體詩七十一首

卷五

舊雨齋存臺南今體詩五十三首

浮湘草古今體詩二十七首

卷六

出山小草古今體詩四十五首

傳餐近覽古今體詩三十二首

男和壓

和瑑

姪和瑑校半

題辭

題紅蕉館詩鈔

武陵有仙蹟異人常代興朱君賦

司量才尺遠擢天南星一朝千佛頭巍然冠羣英若家

紅蕉館草木餘芳馨高懷吐幽素妙筆通乎靈大雅久

不作欲歌誰為聽披吟對秋月使我醉眼醒髣髴朱我所

畏闕中發解抗步凌青冥他年結襟契雙鳳儀軒庭

題亦舫吟草

大雅為邦去勞歌亦性靈君詩道州派一字一華星易

俗桃源美相思澧水聲明府家幾時飛鳥便來欵我柴

局

題會經堂詩集

武陵清源仙所都落霞覆水花蹊紆朱君酌泉濯真髓

破齒一笑雲中呼光森湛似月照海活脫妙比盤傾珠

深潛歲月篋笥富膽力直欲空朋徒淋漓碎錦自收拾

一百八松亭長書山隱示我墨痕痕勸客瞥見明雙壁

巡簷三復萬籟息白雲入牖松風孤緘題急足致趙壁

龍威巧索窺吾廬

題會經堂詩集

楚南地清絕山水合妍暉炳靈多篤生才倘紛鸞飛巖

巖茶陵公文采留聲微我侯實踵起欵唾生珠璣屢雲

在赤霄孤鳳舒丹輝六經結根抵萬言待灑揮高才屬

壯齡首舉冠秋闈光價重南金聲華滿中畿 聖皇簡
民牧釋褐登天扉飄然來海朔叱馭從驂駢下爲理民
瘼上以佐國肥才餘政多暇道在心無違每於簿領中
常使籤帙圍古來風雅士豈但娛芳菲香山及醉翁治
行世所稀自從塗軌分風騷漸式微外強苦中乾貌似
嗟神非凡骨誰與換么絃殊音希侯扶大雅輪清真得
傳衣雲裳謝組紉風御非鞍轡雄者摩韓蘇淡者入柳
韋秋葩擢孤秀快電施稜威媿媿虛糧篇中心惻民依
洋洋竈丁詞感喟餘獻藹如仁人言聞者悅不誹伊
余薄根幹竊比遼東稀春花勞剪刻秋蟲資誚譏學林
既深深騷壇復巍巍烝砂不作餌此道安席幾三復會
經編嚮往心所歸

家君子著作繁富詩凡十有一集手自刪削存如
千首釐爲六卷總曰畬經堂詩集初編編中如紅
蕉館詩鈔作於庚午以前則有陳汾浦先生原序
炙輠集辛未入都途次所作汪上湖先生序之石
客廬集以下家君子各於集前識其緣起茲付開
雕均列簡首和璧等趨庭之餘命承校字將藏事
敬附數言於後男和璧和塚謹識

翁經堂詩集卷一

武陵 朱景英 幼芝

紅蕉館詩鈔

甘露篇

那比陽山其麓多松有露酒為色若結
月也 八 節味如割蜜經月歲觀露為異瑞時庚

宵中濺顯氣氏北明乳星銀漢一何皎膏露於時零峨
峨百尺松鍼葉攢天青葉葉露華皐觀收芳馨凌晨
未及曉瓊碎涵晶熒味之旨且滑沁齒周三庭稽古孝
治光瑞應垂遺經泉射仙谷醴芝撥齋房靈唯茲天酒
酌匪自方諸淳五粒既表壽三危亦傾瓊浮浮黃銀甕
的的綠玉餅持獻蓬萊宮願衍軒皇齡

翁經堂詩集卷一

憶讀書得樹閒房寄呈舅氏周圭圖先生

山色卷四圍數弓畧如掌槎枒老樹存架構故軒爽屋
後漢春泉阻石澗虛幌林密鳥逾噪昏旦無停響餘事
蒔花藥時復催榛莽柯葉頗不几位置信無枉幽人志
泉石琴書得真養舉似南華翁離合一非兩先生晚易
入山期更深句有庶幾禽向閒
或在羲皇上賤子苦喧卑無計避塵埃言從和璞游著
錄半親黨緒論引伸餘言外妙奇賞周旋濶履綯能勿
動懷想

家弟青雷文震將之乾州余悲其負才落拓遠

客天涯悵然有作情見乎辭四首

昔我有所夢我夢鵲山頭鵲山花四照不似湘山秋秋
氣五南北一聚何綢繆低頭拜兄弟回頭顧松楸離江
離異孤猶念同源不

伯楚卿君忽離海嶠迢遞萬里心寂寞三生笑每
羨孔巢父去去頭屢掉小人亦有母區區戀晨照縱君
有菽水安能致遠徼可憐王仲宣登樓成悵眺千古蘇
門人珍重一聲嘯

莫道龍標惡月不空青山猿鳥無世情清泉日潺湲君
趁菊花期遙弄白露團圞之盈五斗一為濯塵顏我欲
往從之安居慎波瀾孔雀巢枕柳鷓鴣食琅玕物性各
有適去住皆古歡

翁經堂詩集卷一

明月當三五照我顏如雪西風呼旅雁卽此怨鷓鴣蕭
條揚子居素心忘言說亦不厭中心多哽咽何曾
賦出門羊腸自九折何必非新知無端有生別落葉滿
空階蘭釭半明滅含情拂瑤席姜被無寒熱噩夢一以
驅清言擲桃菊

白沙夜泊

蓬牕一夜風吹雨颯颯秋林作人語篝燈不然客不眠
似有危泉落前浦欲落不落鳴咽聲野鳬拍拍起沙汀
明朝却破澄江色白盡蘆花接洞庭

湘中待月

清光不妄照欲隱碧雲端潮涉秋無信星河夜未闌匡

牀愁夢寐修竹倚檀欒幾度瀟湘待西風一雁寒

水亭聞笛湘中作

湘浦此清曠翳然濠濮閒風前孤籟發烟外一鷗閑予
意在秋水鄉心隔暮山曲終愁入破斜月正如環

遊靈泉寺

澧水發源處附
近有蓮花堰

一勺清泉注九江澹源巖際聽淙淙遊魚可數臨莊濮
杼鷁成行下佛幢王粲詩中懷自遠鄴元註裏派仍雙
更開淨友陂塘近正好憑襟俗慮降

立秋後一夜作

入秋纔一夜薄暑漸成涼過雨洗新月流光到短牀身
輕知節換心遠耐更長何限扁舟興因風託不忘

金經堂詩集卷一

三

東林閒憩

瓣香何所寄動卽到東林靜愛三摩地清涵五印心相
於茶話久直造竹叢深漫擬虎谿上因緣此際尋

輓胡丈紹虞

真逸陶貞白風流顧玉山爲園貪日涉得句付雙鬟諸
子阮家盛一星曙後艱平生知已淚灑向翠微閒

韋載玉潤明小照二首

竹烟松雨斷纖塵調鶴澆花涉趣頻記取衍波曾入夢
畫中元是六朝人

藥闌幾折繞茶廊浴硯還添睡鴨香樂事無多留粉本
只消三萬六千場

春兩

一春無霽色寸碧亦陰霾三月寒如此桃花不肯開江
南知草長舍北見鷗來却憶蘭亭外何人修禊回

春月

春宵月坐小庭中寫入春江曲亦工隔院柳烟分子細
一叢花霧帶朦朧透簾影動安巢燕照水寒驚返塞鴻
不怕踏春歸路晚五陵大道任青驄

樹護篇

萱草復萱草厥種乃靈根花葉如有託迎春嬌朝暾解
北庭又南陔未許霜華老移根仍先春年年樹萱草解
嶺山亦有雪琳宇亦有霞願言爲萱壽煜煥黃金花解

金經堂詩集卷一

中

宿戴氏別業聞蛙

戢香鑽芝栢花光依砌上結實已垂垂萱莖有如掌四
野館難成寐蛙聲到耳多不平鳴有此無理聞如何昌
句無理人境殊喧寂天時界作訛偶然相值處爲爾感
蹉跎

石圃雜詠四首

宋揭鼎帖錫山鄒氏藏本

絳汝長沙閣本鐫鼎州刻亦紹興年東京昔夢華胥遠
北路高牙翠墨鮮賴有銜名資考鏡別無摹勒副流傳
容谷堂裏珍藏過合併泉齋小像邊

鄭氏輯韻明榮卿仿宋本重刻

朱郎遺書歎古香爲傳音學蘭魚光四聲翻切仍梁代
六部編排有鄭庠鴻寶淮南徒踏駿蟲沙汴水等銷亡
開平盛事依稀見底向靈威問秘藏

趙承旨獵騎圖

健兒身手五花嘶白草黃雲日色低一自陰山歌勅勒
早從渥水濯障泥帶禽歸路風沙薄飲馬長城雪窖迷
不解鷗波亭上客也傳此景到吳西

董尚書草書千文

傳鈔每愛周興嗣集字誰規晉永和忽見戲鴻留雪爪
直施快馬霍霜戈尚書瘦本平生少健筆名家晚歲多
長日蕤香頻展對墨王草聖比如何

秋日遊平山

嶺嶠平山路盤盤磴道危秋深無靜樹境僻得殘碑小
簇鄴元注長吟孟浩詩水迴泉亦湧幽賞此閒宜孟浩然武
陵汎舟詩水迴青嶂合鄴道元水經注沅水又東徑平山寒松上蔭清泉下注皆指此地

過耆闍寺

黃葉聲中颺屐雙來尋初地背秋江穿蹊詰曲行香篆
詩云行香篆中隔樹微茫見佛幢西笑人回塵塚
夢南朝僧老雲霜降寺爲東晉太元初釋惠元建沙門
傳六時鐘磬三生路赴聽松關雨後涼亦有戒節見榮高

尋伏波廟遺址

新息尋遺廟臺荒劫後烟蕭蕭非大樹跼跼尚飛鳶恨

爲南征積名終百戰全隔江賽都尉簫鼓亦徒然土人祀梁王甚虔云

七夕前一夜作

西風連夜動還停殘暑園林避幾經涼候故教遲七夕
癡情何苦盼雙星初更月影仍斜挂隔院秋聲試一聽
料理浮槎吾有事明朝準擬泛滄溟

秋夜觀關蟋蟀

微物爾何知應候發聲響聒耳苦未休靜夜增惻惻癡
兒不解事尋聲臂爭攘綠階鶴步移伏地狼尻仰幾回
倒罌罌時復穴窳窳偶然弋獲之握手互推餉盛以雕
筠籠覆之洞戶網飼法一無闕情性揣相仿云此善鬪

會經堂詩集卷一

爭不妨事執堂或曰宜夜戰飛狐擊鮮饗然炬對壘開
叱咤聲兩兩鼓緩忽交鋒怒日幾曾瞻健者氣無前一
當百非獎田單火曳尾秋青銅作額直擣步法齊再接
軍聲長諸侯壁上觀五色亦迷罔頃之息鉅鎗論功亟
行賞勝者建勳牙負者棄榛莽落崇渾無競度封勳匪
枉嗟彼蟻蝨臣大義識何朗予豈樂不疲觀此心養養
齒冷半開堂經語非非想更籌帷幄中選將登場上賈
等皆蟋蟀經三卷中有更游戲恣談兵胡不勸掃蕩方
今賊邊患承平信有象自顧好男兒升斗勿虛享身手
苟不鍊瑟縮羞壯往感激矢報酬斯言爲息壤

讀十國春秋感馬氏事

大息南唐事沉湘紛戰艦稻梁鴻澤飽兄弟馬家愚地勢爭三楚天心厭一隅江東他日派不獨爲

春日偕友人出東郊尋蔣道林先生桃園書院遺址

春日豁遠近駕言陟東阜遵清樞容與越陌循周遭暖暖起村煙輝輝吐繁苞爲貪及時賞詎辭紆軫勞緬惟道林叟講席擁自高心契千樹月丹霞現白毫此意渺難會相就訊同袍

翁夢野運標明府席上分賦得春風賦蕭宇二首

陽和扇處綠蕪平撲面霏微逗晚晴陌上麴塵千騎暖

會經堂詩集卷一

渡頭桃葉一帆輕香飄梅信人相約光汎崇蘭意共縈愁上朱樓遍十二春衫不耐玉簫聲

十里雕輪解送迎踏青人遠澹烟橫生香欲斷交花樹澀語初調轉舌鶯綠漲鼻頭波正皺紅啼蟬翼宇難成年來瘦骨春無賴簾幙朝東怕有聲

題扇頭桃花六首

楚王宮殿舊東隣脉脉無言幾度春往日風流聽啼鳥而今重說息夫人

不是馬嵬啼界面亦非蘇圖鬪橫腰湖風湖雨春三月記得西冷第四橋

江南烟雨畫圖中丁字簾前怨落紅誰向秦淮打雙槳

官奴管領幾春風

九十三灣水乍添綠楊天外雨廉纖一枝分得嬋娟影妬殺樓頭人捲簾

紅雨霏霏攪歲年晉源唐觀總堪憐免葵燕麥飄零盡無分雲林去學仙

南朝自昔誇宮體輕薄何妨貌折枝樓閣杏花春雨後扇頭脂粉笑徐熙

送孫麓門良貴之任安化二首

秦關開四塞北地據其雄天作義渠國山圍不窟宮紅

鹽無戰艦白豹敢彎弓邊患清時息鳴琴一榻風

漢朝經術最關內尚名侯重地當鶉首專城半虎頭才

會經堂詩集卷一

輕小范畫久定公劉百里今相屬儒風滿朔州

送楊桐君廟北游二首

作秋風哭催人歲暮遊亦知非得已慘淡爲身謀骨

燕臺貴心多絕塞愁無情冰雪甚憑仗敝貂裘

盡關淪落難銷是別魂北風吹不斷舊雨去何言漫

繞朝策愁過庾信園相思待春草的的怨王孫

病中七夕

一榻涼秋夜雙星臥後看長河清枕簟落月背闌干乞巧癡兒慣浮槎吾道難夜深愁不寐更漏聽將殘

炎輅集

澧州元夜

綠筆何曾氣象千功名三十傍征鞍棲遲未與團圓樂
行役初嘗道路難角觴魚龍紛戲劇歲時荆楚小盤桓
慈親遙夜應憐李爲報南陔禮有蘭

八安縣

小郭人烟寂春風忽到城紅梅放花未江晚半陰晴迹
肇偏安蜀途荒三戶荆解鞍聊憩爾餼菜足吾生

虎渡

萬里岷峨雪江流日夜來客心愁到海春日快登臺卽
此鼉鼉窟安知瀟瀟堆榜人勞鄭重予嶺濟川才

荊州懷古二首

雄傑依然勢已移當年重鎮眼迷離一時君子皆猿鶴

會經堂詩集卷一

七

幾輩將軍是虎貌烟水百洲成底事圖書片舸欲何之
可憐碧岫青山外猶有悲笳向暮吹

靈均死後文章絕今古徒聞說緒餘雲雨荒唐空復爾
江關蕭瑟竟何如此鄉生計謀鴻雁往日人才問鯽魚
剩有仲宣詞賦在登樓長眺眇愁

虎牙關

七

郢中健兒猛於虎樊城箭鏃紛如雨曹劉爭戰苦不休
云此荆襄之門戶桓桓中興李與岳議守議復了數著
呂家小兒乳未乾坐受欺紿失金鎗書生莫漫嗤爲湖
完局終歸孟大夫誰云在德不在險建瓴之下何時無
盤盤磴道馬蹄穴舊壘蕭條石凹凸礮車矢筈衝天餘

過客鹽車困九折亦知虎牙何敢然耽耽餘怒誰能前
鵠鶴助成啼空山轉愁蜀道凋朱顏我來四顧雙淚盈
下馬踟躕纏兩都如此關山不可行殷勤說與承平日

抵宜城縣

客路伶俜裏行行近漢陰孤城低夕照一語失鄉音斑
竹荒屯淚梅花故國心此間多美酒長醉壓重衾

墮淚碑二首

觸忤閒情驛路中峴山如見古人風平吳亦墮君王淚
渾澹何須苦競功

道旁指點爲停驂無恙遺碑倚夕嵐終古不聞陵谷變
何人更說杜征南

會經堂詩集卷一

十

襄陽詠古十首

迢遞鹿門山遺安計非細爲問賢子孫可有自安計
景升亦英雄日上呼鷹臺可憐豚犬兒不怕野鷹來
一龍死渭南一鳳死雒陽鳳死益州降龍死餘竹戰
此郡非酒泉長醉胡爲爾但博一城笑徒冷千秋齒
出譏小草達人志孤蒲乞得桓公郡宜爲鬼椰榆
四海習鑿齒滿天釋道安何如們獼翁魚水君臣歡
荀官屈宋人乃作古州戶小兒纔十三孝烈自千古
孟亭漢水濱過客酌尊酒但見槎頭鱸飯廬今在否
團圞說無生居士遺靈躅堂堂于刺史護法縞語錄
大堤復大堤蕩子恣輕薄一自寄迴文不解襄陽樂

樊城旅宿

漢水不可極客意與之永途遠日云暮岸溯川逾靜沙
鷗浩蕩心汀樹微茫影晚泊喧帆檣夜漁紛笳背背當
四戰衝今類五都逞不聞舊鬼哭但見新粧靚錢工姁
女數燭藉游入炳繁聲已雜秦狂歌竟非郢願我青溪
人問渡銅鞮境投林倦當歸聞音登轉警旅懷撥殘灰
名心汲短綆未負季路米且說公羊餅入戶泉濺澆隱
几夜耿耿相期踏春明卽此夢華省小住亦復佳明發
不淹頃回首漢南柳依依待破冷

曉渡白河

獵獵風聲撼騎過稜稜霜氣着衣多五更東火盤陀外

未渡黃河渡白河

風雪南陽道中

匹馬凌兢雪打空衝寒可許健兒同五更博醉飛狐酒
雙臂從開射虎弓目盡南陽城關外魂依東郭履聲中
草廬松火今無恙笑爾蒙頭逐轉蓬

經博望城

齊馬蹄輕重鞭得得行烟消新野戍春薄故侯城有
涇謀長醉無衣喜乍晴西南天界白望眼一時明

昆陽故城行

地死曾聞老姬哭龍死忍見烏啄肉一龍不死蟠泥塗
折盡甘心愛撻蹠有時作其麟之而昆陽大敵星巖馳

元黃血灑腥風歛上天之勢成於斯精靈不滅食茲境
故城遺廟聲香永蒲牢猶作銅龍聲尋々邑兮皆龜蛇
嗚呼亂雲壤山星墮空一朝雷雨浮沙盡觸體擲出長
安宮十八年來蛇作龍

經葉縣

名縣驅車去當年迹已陳荒唐化鬼事寂寞好龍人堞
古摧殘雪花稀怯早春閑閑耨耕處行客倍傷神

潁考叔祠

純孝人真烈丈夫狂奴一叱奔登狐至今潁谷橋邊水
遺恨行開著子都

李元祀墓

潁川斜日黯孤塋一代風流萬古情苦縣後人皆道德
甘陵前日豈公卿范滂旣死悲同傳郭泰如仙魄有名
司隸衣冠今在否土花碧處只吞聲

襄城早發

壓帽霜寒月照蹊征途如掌信輪蹄人閒不少終南徑
此地曾聞七聖迷

石固店題壁

七尺昂藏振敝裘連朝感慨寄中州空聞星聚荀陳里
不見風流李郭舟汝潁東來無絕日鸞花北去似先秋
時平漫讀英雄記逆旅今宵醉馬周

新鄭縣

新鄭城邊宿霧消渡橫潦消去迢迢雁見雪後人多弋
芻藥春來土不苗駐節尙聞丞相度寶祠多拜大夫僑
嗟予俯仰成今古誰信名區太寂寥

登鄭州夕陽樓

獨上高樓思渺然中原形勝夕陽邊九河帶雪聲趨海
二室盤雲勢到天狂以成名爲豎子達能退步卽神仙
須知楚漢尋常事我欲吹笙鶴背眠

望古戰場

鴻溝何待濟廣武亦盡蘊河山兩戒間中有秦皇鹿重
腫薄於險隆準折其角路轉成皋塞坂失太行築流血
白馬津吞聲飛狐峪坐令黃圖據莫雪烏江辱紛紛讀

會經堂詩集卷一

三

史人任情談覆局所以狂阮生遂有英雄哭予謂楚固
失其鋒未全歟成敗安足論大義炳如燭故君江上魂
太公机上肉一忍一不忍乃定千古獄寒雲捲波濤陰
風撼林麓放悲雷電軍叱咤聲相續

黃河阻冰三十韻

遂有初春雪翻成二月冰黃河流轉盡赤岸圻還凝大
氣崑崙阻高寒滌澤增沙明膏瑩練湍伏矢攢棚積石
愁衝鯉扶桑怯擊鵬饑鳥方不定香象竟安馮草昔青
千里烟今白幾層射睛偏皎皎着體亦稜稜霧向蘇門
捲雲從伊闕崩估帆停上下襍被帶凌兢共說公無渡
元知客未能楊懸聊問主簪盍況邀朋到處吾廬是他

時子舍仍辭家旬日淡叱馭簡書微橫拂荆南柳雄呼
漢上鷹驛尋齊贅謔歌畏楚狂憎偶啞須防并輕投漫
避憎人疑失馬喪我類打包僧萬里一行脚長途三折
肱那堪悲偏側復此醉瞢騰破浪慙宗慙臨風弔信陵
滯淫依土銓寂寞伴篝燈雖飽連床夢難期同病與涕
餘聞博笑談往倦繁稱只識羈王桀何緣謁李膺路窮
舟返刺味薄酒非灑刮耳鬪牛蟻馳心託驥蠅巫咸寬
莫訴滄海興誰乘豈爲豬肝累惟思羊角升來朝星使
泛渺渺古查登

汲縣早發

去去大河濱依微曉色分驚心百泉水極目太行雲墨

會經堂詩集卷一

四

子車偏遠稀生散不聞蘇門如可到鸞鶴一爲羣

浣衣里

誰道晉惠愚猶愛侍中血可憐懷慙衣青青安可雪

湯陰謁岳忠武祠

故里森森柏十圍一靈祠廟見依稀英雄竟爲風波死
魂魄何曾桑梓歸遺恨箭師無報日早知御詔是危機
我來擬酌尊前酒可當黃龍痛飲非

渡漳河

銅雀纔飛石虎來霜園前後只高臺匆匆北渡惡風雪
殘瓦無心覓硯材

淇州道中

廬舍蒹蘆中幽人飽泉石汀沙落漲痕微見鳬鷺跡平
田細水流帶雪鳴寒碧野色媚江南衣袂收婉孌紛吾
逐塵埃今日故園客

邯鄲絕句二首

歌吹空聞怨趙家一時寶瑟殉黃沙叢臺剩有閒桃李
猶惹行人拾落花

少年歸去月黃昏肝膽無端動客魂七首報仇閒底事
阿誰能報信陵恩

過黃梁夢憶亡友鄧玉韶鈞辛勤莫厭邯鄲道
纔是盧生入夢初之句感而賦此

邯鄲北去只荒原一覺游仙尚有村劫後黃梁談幻戲

舍經堂詩集卷一

愁邊華屋念生存青蠅枉甲虞翻骨丹桂難銷賈島冤
記取篋中詩句好而今大夢向誰論

石勒墓在今邯鄲

英雄不讀老莊子着手乾坤割江水當其倚嘯上東門
寧馨王郎驚欲死今年出師彭祖亡明年出師匹磾降
趙王趙帝我自取又聽鈴音替戾岡看君四道魚龍髮
一杯終作聽雞篇落千秋感客心羞煞西陵狐媚骨

渡滹沱

撲面恒山半壁青渾源陡下氣冥冥層城勢壓昆盧閣
一水聲吞麥飯亭宿將西防皆嘍嘈征人北渡太伶仃
鄉心却羨歸飛雁斷續長天度井陘

分風店

今驂野店日斜曛極目沙場捲戰雲一自空同歌已已
活人長說石將軍

安肅縣

易水城邊路悲歌燕市風望諸今寂寞屠狗幾英雄綠
意春前柳黃芽雪後松解囊酬一飯去迷塞垣鴻

涿州

盧植墓前沙草白桓侯井畔野雲黃場來灰洞日亭午
不辨童車蓋桑

盧溝

桑乾漠漠打冰開柳色依依傍日來終古盧龍雄氣象

舍經堂詩集卷一

一時涿鹿淨烟埃罵聲不戀張華宅駿骨還歸郭隗臺
翹首鳳城天尺五題橋有客賦新裁

舍經堂詩集卷一